



Na osnovu člana 69. stav 2. tačka e) i člana 70. st. 1., 4. i 6. Zakona o javnim nabavkama („Sl. glasnik BiH“, broj 39/14), u otvorenom postupku za izvođenje radova na sanaciji stepeništa na Kamberovića Polju i prema OŠ „Mak Dizdar, Gradonačelnik donosi:

**ODLUKU
o poništenju postupka javne nabavke**

Član 1.

Poništava se otvoreni postupak za izvođenje radova na sanaciji stepeništa na Kamberovića Polju i prema OŠ „Mak Dizdar, u skladu sa članom 69. stav 2. tačka e) Zakona o javnim nabavkama, iz razloga što je jedina prihvatljiva ponuda znatno veća od osiguranih sredstava za predmetnu nabavku.

Član 2.

Stavlja se van snage Odluka o izboru najpovoljnijeg ponuđača broj: 02-11-16892-2/21 od 14.10.2021. godine.

Član 3.

Za izvršenje ove odluke zadužuje se i ovlašćuje Služba za finansije.

Član 4.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-16892/21 od 20.08.2021. godine.

Obavještenje o nabavci broj: 1355-1-3-283-3-121/21 objavljeno je na Portalu javnih nabavki dana 27.08.2021. godine i u Službenom glasniku BIH broj: 55/21 od 03.09.2021. godine.

Procijenjena vrijednost za predmetnu nabavku iznosila je 21.000,00 KM bez PDV-a.

Ugovorni organ donio je Odluku o izboru najpovoljnijeg ponuđača, broj: 02-11-16892-2/21 od 14.10.2021. godine, gdje je kao najpovoljniji ponuđač izabran „MUŠINBEGOVIĆ GRADNJA“ d.o.o. Visoko. Nakon isteka žalbenog roka, izabranom ponuđaču je poslan Nacrt Ugovora na potpis. Ponuđač „MUŠINBEGOVIĆ GRADNJA“ d.o.o. Visoko je propustio potpisati Ugovor o javnoj nabavci u roku koji mu je odredio Ugovorni organ.

Ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača, u slučaju da najuspješniji ponuđač propusti potpisati ugovor o nabavci u roku koji mu je je odredio ugovorni organ, a u skladu sa članom 72. stav 3. tačka e) Zakona o javnim nabavkama.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Drugorangirani ponuđač je konzorcij „ALMY“ d.o.o. Zenica i „ALMY-GRADNJA“ d.o.o. Zenica sa ponudom u iznosu od 26.902,31 KM bez PDV-a.

S obzirom da procijenjena vrijednost predmetne nabavke iznosi 21.000,00 KM bez PDV-a, ponuda drugorangiranog ponuđača je znatno veća od osiguranih sredstava za predmetnu nabavku, Ugovorni organ poništava postupak javne nabavke u skladu sa članom 69. stav 2. tačka e) Zakona o javnim nabavkama.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi, putem ugovornog organa: Grad Zenica, Služba za finansije, Trg BIH 6, 72 000 Zenica, u roku od 10 (deset) dana od dana prijema Odluke. Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu. Žalba se podnosi neposredno Ugovornom organu u pisanoj formi.

Broj: 02-11-16892-3/21

Datum: 29.11.2021. godine

DOSTAVLJENO:

- 2 x Ponuđači
- 1 x Služba za finansije
- 1 x Tenderska dokumentacija
- 1 x a/a

GRADONAČELNIK:


Fuad Kasumović